

**Nunat Aqqinik Aalajangiisartut  
marlunngornermi  
aggustip 24-anni 2009-mi  
Oqaasileriffimmi ataatsimiinnerat**


**Peqataasut.:** Carl Christian Olsen, Karl Elias Olsen, Tukummeq Qaavigaq aamma Abia Abelsen.

Allatsi: Lisathe Møller Kruse.

**Peqataanngitsut:** Stephen Heilmann, piffissaqannginninni pissutigalugu ataatsimeeqataanngilaq.

Oqaluuserineqartut makkuupput:

1. Tikilluaqqusineq
2. Imaqarniliap akuerinera (*juunip 16-anni ataatsimiinnermit imaqarniliaq*)
3. Eqqartuussissuserisut suliffeqarfiutaata Malling & Hansen Dammip saaffiginnissutaa Lyngmarkskildenimut tunngasoq.
4. Immap assingani Kalaallit Nunaata imartaasa atiisa misissornissaat. (*Immap assinga pineqartoq tassaavoq: Kalaallit Nunaat imartallu avatangiisui. Nassiussinnaanngimmat nassiutinngilara immat aterpassuaqanngimmalli ataatsimiilerussi misissoriaannaavarsi.*)
5. Taasariaqartut allat



## 1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

## 2. pillugu –

Juuni 16-anni 2009-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.


## 3. pillugu –

Eqqartuussissuserisut suliffeqarfiutaata Malling & Hansen Dammip saaffiginnissutaa Lyngmarkskildenimut tunngasoq pillugu NAA-mi ilaasortat oqallipput. Oqallisereernerup kingorna nunap aqqata Lyngmarkskildenip kalaallisut atia Uunartuarsuk pisortatigoortumik aalajangiullugu atuuttussanngortippaat. Taamalu Lyngmarkskildenip pisortatigoortumik atia Uunartuarsuk pillugu saaffiginnittuusut Malling & Hansen Damm tamanna pillugu paasitinneqarumaartut isumaqatigiissutigineqarpoq.

Immap assingani Kalaallit Nunaata imartaasa atiisa misissornissaat

## 4. pillugu -

NAA-t immap assinga Kalaallit Nunaata imartarsuisa atiinik imaqartoq misissorpaat, eqqartugassartaallu eqqartoriarlugit immat aqqi sorliit naqqiisutissaanersut aalajangiullugit. Kort-og Matrikelstyrelsimut naqqiisutissat makkuupput:



- 1) Grønland – med omgivende farvande → “Kalaallit Nunaat – imartallu avatangiisii”-nngorteqquneqassaaq,
- 2) Arktiske hav → “Issittup Imaa”-nngorteqquneqassaaq (Sikuiuitsoq avannarlermik allaqqagaluartoq naqqiissutigineqarpoq),
- 3) Nares Stræde, Kane Bassin → “Ikersuaq”-nngorteqquneqassaaq (Allaqqanera naqqiissutigineqassaaq),
- 4) Smith Sund, Nares Stræde, Kennedy Kanal, Hall Bassin, Robison Kanal → Ikeq-nngorteqquneqassaaq,
- 5) Tartupaluk immap assingani ilaassasoq nalunaarutigineqassaaq,
- 6) “Qimusseriarsuaq”-p allaqqanera inissilluaqquneqassaaq,
- 7) Avannaarsua (Nordgrønland) inissilluaqquneqassaaq qeqqanut inisseqquneqassalluni,
- 8) Nuna Allanngutsaaliugaq inissilluaqquneqassaaq qeqqanut inisseqquneqassalluni.

NAA-t Kalaallit Nunaata kangia Tunu-mik suli taaguuteqassanersoq eqqartorpaat.

Eqqarsaatigilluartariaqarmalli inuilu tamanna pillugu attavigisariaqarmata kingusinnerusukkut misissuereernerup kingorna eqqartueqqinnissaq siunniunneqarpoq.

## 5. pillugu -

-----

Carl Chr. Olsen  
Siulittaasoq

Lisathe M. Kruse  
Allatsi